

DRÄCK Baby Jail 1990 (Text: Boni Koller)

Es liit e Liiche uf de Schtrass
Die hät da öpper ligge lah
Es liit e Liiche uf de Schtrass
die liit scho fascht e Wuche da

Dräck vo de andere, Dräck vo de andere Ref

Es liit e Liiche uf de Schtrass
Irgend sonen tote Maa
Dä liit scho fascht e Wuche da
Eifach gschorbe oder was?

Dräck vo de andere isch nöd min Dräck Ref
Dräck vo de andere butz ich nöd wägg

Es liit e Liiche vor em Huus
Die gseht scho zimmlig gruusig us
Es liit e Liiche vor de Tür
Aber die isch nöd vo mir

Dräck vo de andere isch nöd min Dräck Ref
Dräck vo de andere butz ich nöd wägg

Es liit e Liiche uf em Tisch
Deet wo du vorhär gsässe bisch
He, lueg mi nöd so gruusig aa
Din Abfall gaht mich gar nüüt aa

Dräck vo de andere isch nöd min Dräck Ref
Dräck vo de andere butz ich nöd wägg